



UNIVERSITÄTS-
BIBLIOTHEK
PADERBORN

Notitia Congregationum Et Tribunalium Curiae Romanæ

Plettenberg, Hunold

Hildesii, 1693

Cap. XXI. De Congregatione Rituum.

[urn:nbn:de:hbz:466:1-63032](https://nbn-resolving.org/urn:nbn:de:hbz:466:1-63032)

corum, ne inhibitiones concedant, vel impedimenta præstent. *De Luca Relat. Rom. Disc. 17.*

CAPUT XXI.

De Congregatione Rituum.

1. *A quo erecta; Est duplex.*
2. *Ordinaria & Extraordinaria. Ad primam qui veniant.*
3. 4. & 5. *Quid in illa tractetur.*
6. *Quæ contentiosa ad illam referantur.*
7. *Quomodo res in ea tractentur.*
8. *Ad extraordinariam qui veniant.*
9. *Quomodo res in ea tractentur.*
10. *Quæ præmittantur Canonizationi.*
11. *Decisiones hujus Congregationis nil probant nisi in authentica forma exhibeantur.*

I.

Congregatio pro Sacris Ritibus, & Cæremoniis, cæterisque rebus ad Divinum cultum pertinentibus erecta fuit à Sixto V. *Constit. 74.* quæ incipit: *Immensa*, videtur esse duplex, ut colligitur ex diversis membris, seu Prælati, qui

si eas constituunt, alii enim hanc, alii
tam ingrediuntur, licet Cardinales non
autentur, sed iidem utrique inter-
ant.

2. Una eaque ordinaria erecta est pro
decidendis controversiis & ritibus, cæ-
emoniis, præcedentiis aliisque præmi-
entiis; Altera extraordinaria pro Ca-
onizatione Sanctorum, & Beatifica-
one Servorum DEI. Ad primam Con-
gregationem accedunt Cardinales tot,
quot Pontifex constituerit, & plures
Praelati, quorum unus Secretarii munus
obire solet; Nonnulli etiam religiosi
Theologiæ Professores, inter quos præ-
cipui sunt: Magister S. Palatii, & Sacri-
ta Papæ, hic ex Ordine Eremitarum
Augustini, ille ex familia S. Dominici;
Demum unus aut plures Magistri Cære-
moniarum Potificis.

3. In hac Congregatione duo nego-
riorum genera pertractantur, alterum
est contentiosum inter partes litigantes,
alterum pacificum; Ad hoc spectant ea,
quæ sacros Ritus & Divinum cultum
concernunt; Nimirum approbatio offi-
corum, concessio facultatum, Officia
seu Missas sub ritu simplici, semidupli-
ci,

ci, vel duplici, aut etiam cum Octava celebrandi.

4. Nova tamen Officia de Sanctis Patronis non nisi consulto Pontifice concedere potest. Sixtus V. *Const.* 47. *Immensa*. Nec passim concedere consuevit in Officiis ab eo approbandis Antiphonas, Versiculos, Responsoria, Hymnos aliaque similia præter Lectiones secundi Nocturni. *Eadem hæc Congregatio in Segubien- sub Offic. Fructi 27. Julii 1609. apud Barbo- sam in Collect. Bullar. V. Congreg.* Neque approbat Litanias, præter Ordinarias impressas in Breviario, & eas quæ Laurentanæ dicuntur. *Eadem Congregatio in Alex- andrina 15. Mart. 1608. dubio 16. apud Barb. l. c.*

5. Declarat præterea dubia cæremonialia v.g. Quibus diebus celebrari possint Missæ votivæ; Concedit etiam licentiam assumendi Sanctum aliquem in Patronum. Ordinatur de jure celebrandi Officium Defunctorum in die depositionis, erigendi novas Congregationes & Confraternitates &c. Emendat prout opus fuerit, libros de sacris Ritibus, & cæremoniis, in primis Pontificale, Rituale, Cæremoniale.

6. Ad alterum genus contentiosum referuntur quæstiones de præcedentiis, & præeminentis Clericorum Sæcularium & Regularium in supplicationibus, aliisque functionibus publicis. Item quæ oriuntur ob præeminentias inter utriusque Cleri diversa Capitula, vel Monasteria; Aut inter ejusdem Capituli dignitates vel Canonicos præsertim in Cathedrali vel Metropolitana. Pertinent hæc etiam controversiæ super præequentiis inter Ecclesiasticos & Sæculares, atque inter ipsosmet Sæculares, quibus nimirum ritibus Reges & Principes eorumque Oratores, aliæque Personæ magnæ Nobilitatis ad Urbem Curiamque Romanam venientes excipiendi sint; Quæ constituere & ordinare hæc Congregatio debet. *Sixtus V. l. c.*

7. Proceditur vero in hac, ut & in aliis Congregationibus forma extrajudiciali præviis extrajudicialibus informationibus ab Ordinario loci, vel à Superiori Regulari pro qualitate causæ accedentis *Sixtus V. l. c.* Omniaque fiunt, & conceduntur gratis. Si quæ controversiæ spectantes ad Ritus & Cæremonias ad Rotam referantur, solet hæc de iis sententiam hujus Congregationis audire. *S. Cong.*

710 De Congregatione Rituum.

8. Cong. Rit. in Calagurit. 5. Julii 1653, apud
Barbos. in Collect. Bulla V. Rota.

8. Ad alteram Congregationem extraordinariam spectant iidem Cardinales & Secretarius, qui ad priorem, sed non iidem Prælati, Officiales & Theologi, cum alii pro hac Congregatione constituentur. Est etiam in ea Promotor fidei, qui ex consuetudine idem esse solet, qui Advocatus Fisci. Accedunt quoque ad hanc tres antiquiores Rotæ Auditores, veluti Canonum petiti, qui munus gerunt Assessorum; Et unus ex Protonotariis participantibus, tanquam Promotor causæ; Siquidem jam à primis Ecclesiæ initiis sub Clemente I. Protonotarii constituti erant, qui acta Martyrū in hunc finem conquirebant, scribebantque. Demum adhibentur alii quoque Theologi, qui Consultores vel Qualificatores dicuntur, ut res tanti momenti, summa, qua fieri potest consilii maturitate examinentur & pertractentur; Eumque in finem adhibentur peritissimi quique in omni facultate Doctores, etiam Medici, & Philosophi, qui iudicent, an operationes, quæ miraculis adscribuntur, verè sint supernaturales.

9. Inqui-

9. Inquiruntur ergo & examinantur omnia etiam minima accuratissimè, datis auctoritate Apostolicâ ad diversa loca literis pro informatione capienda, & formanda Inquisitione, quas tamen non concedit Congregatio, nisi expeditis prius, & ad se directis literis Apostolicis in forma Brevis. *Congreg. hæc in Valentin seu Derfflen. Fir. Paschalis Baylon. 9. Maji 1609, apud Barbos. l. c.* Discussis deinde diligenter, & mature probationibus de Beatificatione aut Canonizatione cujusdam in pluribus Congregationibus, defertur negotium ad Congregationem magis solennem, quæ habetur coram Pontifice; Hic aucto Congregationis voto, decernit Beatificationem, permittitque functiones, quæ ad cultum famuli Dei spectant.

10. Ad Canonizationem vero & adscriptionem Catalogo Sanctorum, utpote quæ obligat ad fidem, plura præmittuntur. Postquam enim de ea actum, & examen institutum fuit in magna illa & solenni Congregatione coram Pontifice, denuo subjicitur examini in pleno Consistorio secreto, quo facto habetur Consistorium magnum, & solenne publicumque, cui interfunt omnes Archi-Episcopi, & Episcopi in

Curia presentes, qui omnes more Conciliorum suffragium suum ferunt, & Canonizatio decernitur.

11. Cæterum ex speciali jussu Urbani VIII. mandavit ac præcepit hæc S. Congregatio Anno 1632. 11. Aug. Declarationes, Decreta seu Decisiones sub nomine Congregationis, vel impressas vel imprimendas, vel etiam manuscriptas nullius roboris esse, nec fidem illis in judicio vel extra illud adhibendam, nisi in authenticâ formâ, solito Sigillo, & subscriptione Eminentissimi Cardinalis Præfecti & Secretarii ejusdem Congregationis munita fuerint. *Barb. in Coll. Bull. V. Congregatio.*

CAPUT XXII.

De Congregatione pro Indice Librorum prohibitorum.

1. Ocasio institutionis hujus Congregationis.
2. A quo & quem in finem erecta sit.
3. & 4. Quæ facultas illi concessa.
5. Qui libri prohibeantur.

6. Qui